

涇野先生文集

涇野先生文集卷之三十二

墓誌銘一

資善大夫南京戶部尚書正誼先生雍公墓

誌銘

公固百煉之鋼
千夫之特也此誌亦百千石礪乎子長謂因人立言明遠謂聽言知人兩者具誠實也

公諱泰字世隆別號正誼菴陝西咸寧縣常寧里人也先應天句容縣人高祖太居生子安洪武初子安從戎西伐編今籍生清清生鑑字明甫號逸齋封文林郎山西道監察御史配王氏封孺人頻育夜夢神授白蓮一莖日生公孩孺即敦敏不諱八年而事塾

師輒越諸兒十三年選升府學十九年鄉舉成化己丑進士明年出知吳縣吳濱湖湖漲淪田數百畝頃先尹咸欲防湖輒沮於富室公至作堤富室猶譏於太守公立筭之一百期月而堤成兩賜蓄泄吳到於今賴之曰雍公堤夫有妾死妾父訟夫密殺吾女兩月匿尸湖中石下召訊夫夫曰妾逃兩月跡求無效妾父脅財始知死所公使視尸死當近日乃訊父曰夫夫密殺汝女汝安知匿于石下此又豈兩月尸耶必非汝真女汝假他以勾賂耳一拷而信同年進士

過吳說求衣襦不答察勸之公曰余為吳人父母剝
其子以賂友於友何厚於子何薄吳人無大小稱青
天馬于是巡撫都御史畢公奏曰吳縣知縣事上不
阿諛臨下寬而敬剖決如流官及求貨不行吏畏民
懷上考甲辰詔擢為御史吳俗令行皆饋樓船饋公
不受民涕泣固饋乃駕至張家灣還之吳人歌曰時
苗留犢雍公返舟既守御史彈射不憚高明褒揚不
滲卑遠時威寧伯王公典院事語親舊曰棘避驄馬
御史也初巡南城四城咸求折訟公曰去有主者民

崩首他官不辯也。公為折之。于是豪右歛跡。嚴震京師。巡關居庸。紫荆。士民讐服。常答黎盜。後有首得遺驢者。訊之。乃前盜官黎者也。兩淮巡鹽。且滿。巡撫都御史以公力遏權要。商民咸悅。復奏留一年。初公至淮。皂丁貧而鰥者幾二千人。比及二年。具與完室。既去。淮南人詠曰。客邊檢索渾無硯。海上遺民盡有家。又曰。了却四千兒女願。春風解纜去朝天。云。己亥陞鳳陽知府。未到。丁遂齋召憂。服闋。改南陽。唐王奏取民田千頃。命下按察勘給。公力執不從。奏曰。民去。

王誰與守得。惟汝寧知府及千戶。惟相惡。各奏逮至千人。累年未判。撫按。下公三日而決。甲辰。司馬于公總制北邊。辟公山西兵備副使。公至大同。汰侵漁。振頑慢。廣墩堡。制兵車。以禦胡。胡自公至。不敢褻邊。千戶韋英誣收謀逆百人于公會。鎮守巡撫將坐實。以聞。公曰。人命至重。惡可輕舉。若出誣收。可謂賞一奸殺百良。疑讞可于公悟。從之。至京。果得誣殺英百人。俱免。于是于公有疑。率召質決。期年。陞山西按察使。或謂大宰李公曰。雍某何以驟耶。李曰。雍廉使風力。

無雙可以諸人遇之乎于是山西獄無冤鬱綱紀肅然公乃為一天白日遍地清霜之詩有訟其子失養者公垂涕泣喻子曰爾由襁褓何所食得至今日乃不顧父母之養私其妻子罪當誅其父復號泣乞原曰愚民老且死僅有此兒一時感怒不知至此公始釋之曰慎勿又犯乃卒為孝子太原知府尹珣出遇公于途前總緩避公召數珣珣起抖擻衣上污曰此豈失朝耶公曰汝毀裂

朝廷體統猶敢假為悖言非罪耶珣珣訴于

朝誣以人命諸事遂收公錦衣獄無證猶三月而後免左遷湖廣叅政湖民被誣為強盜者七八人歷多官不解御史下公勘畢得誣狀盡釋之七人皆圖公像祀于家武昌知府王達貪虐而喜媚權要當述職自布政按察率與上考公艱然曰泰敢黨達以負國耶獨注曰上官畏其暴下民被其虐諸公變色後達卒黜辛亥陞浙江右布政使太宰屠公家衆鬻販私鹽鄉人效尤幾至千輩盜竊橫行公先收屠人抵罪諸寮咸諫公曰此等為屠公禍屠公豈知禁此當非

大助耶。如其知也存。屠公情存。

朝廷法諸寮。漸退。既而丁王孺人憂。未闋。吏部辟為山東左布政使。固辭不起。已未。詔起為右副都御史。巡撫宣府。疏辭不允。居宣府二年。諸所奏議咸當時務。士民祇畏。邊陲宴安。士無室者。援兩淮例來訴。公復與完聚千人。叅將李傑不法。部下狀公。公將叅奏。李跪堂前。詭乞受責。以圖自新。公遽信曰。此亦軍法也。令縛下大杖擊之。三軍股慄。初李之屈也。策公必原。既乃譖公于時相暨科道。時相有戚黨。科道有

稔習公遂以擅打將官劾罷乃日居韋曲別墅不涉
城市以秦簡王出入溫泉駕過韋曲欸語移時留詩
云寄與山東謝安石莫因高卧負蒼生正德丁卯言
官潘鐸諸人交辟公有敢死之節克亂之才 詔復
起公為左副都御史董操江疊疏固辭弗允時宦官
劉瑾用事鄉佐遷除厚賂行謝鄉人喻公公曰進退
在天若柰我何未幾陞南京戶部尚書又不謝遂令
致任罰芻米千石東著有司促輸宣府潘鐸諸人及
前吏部尚書馬公文升兵部尚書劉公大夏數十人

皆以辟公罰朱有差公自是住居韋曲旦夕焚香危坐食既則棖校撫童徐步畎畝或休諸樹下或濯清泉撫景自詠于是田父羽流皆得與公談稼穡講鬼神公亦或自謂與鬼神通後進或少之嗚呼非公將有沮于人使其志不獲盡行極于此而言耶抑其自信之篤人莫之知至于此而言耶甲戌公年八十族人及鄉大夫請公入城稱壽童顏兒齒目炯炯射人咸謂遐筭當越百度乃十二月二十七日卒卒時榻下若震震數轂故胡君謂公平生英雄不平之氣如

此計聞

天子復悼賜葬祭先是禮部復奏曰雍泰才明剛
斷既廢復起操行清介至老不渝先雖被劾革職但
平生大節非與世浮沉者可倫當時以為確論初公
善事二親蚤年苦學至廢寢食王孺人懼其疾也屢
抑之公曰不若是恐辱吾親及逸齋君王孺人歿哀
悴浮禮䟽素皆三年同學介菴李君錦博學履道名
通天下選公而友比公五試禮部不第勸公仕公曰
易不云乎行而未成君子弗用也他日李遭家變召

公稽疑公曰凱風聖善堯典烝烝獨不可耶李未心
允公策驢長往曰非吾友也李徒行隨五里公坐驢
上不顧李挽驢曰命之矣公始降別奉身儉素雖貴
賓至肉味止一二品位晉司徒猶未製緋衣瀕沒而
後家人制之以歛不義之餽一無所受人亦不敢私
賂進士歸省鄰人遺以束薪便遣還有友詰之公曰
昔伊尹非其義也一介不以取人如之何方仕而先
貪也未幾巡撫王公會公語曰前辟人不勝厭職
不敢辟人矣公曰寧教人欺公莫教公欺君豈可

此節亦
不獨之
事

此而急進賢之道。王公退語三司大夫曰：雍進士能識大體，他日樹立，非我輩所及。後又退住韋曲。陝大天守令苟非所合，不與相見。鄉士或從之遊者，公遭過必稱名面命之，不假辭色。至族黨有犯，必告有司曰：甲是乙非，幸無為雍某屈法。故家人亦或怨其少愛也。有司嘗獲礦盜盜証，引三川人千餘家，有司遣卒攝捕，卒因取財以為收放汚，及人婦女有司莫止也。公使家衆捕卒數十人，笞殺渠魁二人，送其餘于某司。于是三川人依公如父母，則公自縣至司徒旋

守而去其所不見之志可由據也所著有司

奏議

葉五卷正誼菴詩集六卷皆其意焉耳兄弟三人公
為長配宋氏踰年卒贈孺人繼配馬氏封孺人有內
德生子男四俱殤女二長嫁侍郎邢公簡之子知州
野亭次嫁教授田君賓之子大有馬孺人以四男之
殤也勸公禮娶王氏為二室生子二亦俱殤女二長
嫁咸寧縣學生郭桐次即胡君之子儋妻也馬孺人
先公五年卒王亦先公歿乃再娶今廖氏生男子一
人亦殤公卒之明年宗人及鄉大夫始定其弟之子

此誌
四億
公今
生先
生以
竟厄
子息
且猛
烈
氣盡
發淺
天地
涵畜
不
于二
也吁
不可
頭矣

某為嗣卜丁丑年夏五月十日葬公于樊川之陽
祖塋以二孺人銘曰維五月甲申公即窆于樊陽
河華咸震四國齊悲曰天胡不憖遺我老弼輔天子
以種德于蒼生乃終不究爾道乃復鮮世有男弗壽
無女不藏胡天不知而憐茲者我老亶厚躬恤
國家蔑有回志幼壯耄耋稱道不改如山如鑒如金
如弦如雨如雲如鳳鳥之華厥止定哉

皇祖景命作材維經誕我西土哲人寔繁景公出於
真寧張鶚菴發于富平李介菴拔于長安王黼菴生

于河州。端毅大師起于三原。五君子者忠勒太常。澤
被方夏。風流來裔。克光于旦。與呂張則西士之傑然
也者。公之仇與。或曰汲黯直而信。申屠嘉剛而斷。公
孫僑惠而不側。孔戡威而則。而公又哀之也。嗟余小
子零丁在疚。思孝先人。惟式是鄉。之前修。矧由總非
私淑懿德。直經銘石。厥心諒哉。厥有紕漏。胡足道哉。
嗚呼。有日在天。有河在地。公云鬼神應並明而同流
也。嗣子昭爾。聞永康告。

兵部右侍郎徐公墓誌銘

寇公別
歷不載
北門鎖
鑰而學
行更超
一乘也
此誌其
不刊名
言乎

公諱天叙字子惇姓寇氏別號淩水以其邑榆次之南有余水云公年二十二中弘治辛酉鄉試與予同試禮部不第卒業大學乃會三原秦世觀馬伯循安陽張仲修崔子鍾臨慮馬敬臣同窓學四年遂同予舉正德戊辰進士筮仕南京大理寺評事即清介自持不濫交遊政少暇閉戶誦律讀書布袍蔬食猶如書生時有一巨姓犯法不出官以家人代罪公駁之曰某人在而不出稱逃非欺人即欺天刑部奏請緝事衙門捕獲竟抵罪上下稱其才節及進左寺副敦

履如前考績之年所審過輕重囚犯五千四百七十一
一起萬有八千二百五十一名口罔不克允故一時
本寺及部院考署超邁等夷至形薦剡名聞天下丙
子陞寧波知府一以愛民節才為政其均徭清稅剔
冗除害鋤強杜謁興利彰善咸殫心力嘗書青天白
日高山大川愛民如子處事如家四語於座右丁丑
歲侵乃請于巡按秋糧得折價民有挽回烏府萬家
春之謠慈谿有馮二虎者武斷鄉曲公置之法合邑
安堵形諸歌誦尤加意學校以體認實踐為教取人

必先器識于是四明之士多崇尚理學嘗與鄉試外
簾三試卷皆屬公總閱有知縣某者持一卷請覽公
曰此不宜取知縣固請則固止之開榜後折所請卷
乃其所私者時同試者曰公神目也每遇旱乾齋心
虔禱罔不響應上下歡欣寧波之民愛戴真如父母
一時言官疊稱薦書齋口褒嘉在郡三載政績卓異
治行可課天下第一已卯秋超陞應天府丞老稚攀
號跪請留鞫公固遜拒沿河兩岸挽舟不能行縉紳
大夫歌詠其事謂此郡自張廣漢後惟公一人而已

比至應天寧濠倡亂武廟親征過止南京供億叢挫
府尹胡公感勞成疾獨公應谷時內外權幸無慮數
百公處之有方莫敢肆侮且于妄求冗費多所停裁
未嘗科取上江縣民初上未至權幸先選女樂千百
拘置一所以候幸未及二日死者十數餘多菜色憔悴
公言于權幸曰如此輩以候駕恐反取罪耳權幸
懼問計則曰吾當記名于簿召彼親識或食店酒肆
領養用則取諸簿耳于是一日之間活人千餘庚辰
正月上親觀迎春公治具於郊外俯伏廊下嬖幸疾

公倨傲。譏充遲慢。或曰此人勁直不可動。始免江彬之寵。獨冠一時。羣賀生辰。率行四拜。公獨長揖。彬甚啣之。曰。偵公私久無所得。偵者竊曰。提督將不利于公。可一往謝。公正色曰。死生有命。豈人所為。命若得禍。謝豈能免。後彬謂人曰。寇公真君子也。于是他嬖幸亦皆因此斂迹。若有需索。公必曰。吾當見上親奏。遂止其多所停裁者。皆此故也。捷奏獲賞銀牌綵幣。駕回撫按。謀欲重遺諸幸。公終不從。雖獨送至淮安。然亦不能有加也。內外皆服公之才操。大軍旣去。公

一意民事、興學、均賦、休息地方。比壬午、今上改元嘉靖、公應詔查舉七事、內關神帛堂、匠十庫、花園、進鮮、舡隻等項、冗役冗費、百年積蠹、一旦裁剗、上下稱快。甲申歲大饑、人相食、公竭力賑濟、設粥以食流民、尋瘟疫又作、給藥以救、皆公曰親巡視、或繼以夜、有言疫氣盛行、以沮公者、率不聽、竟亦無恙。又奏折兌運糧以蘓民困四事、皆允行。是年夏以迎聖母、劾勞有白金紵絲表裏之。賜公在應天三載、初值車駕駐臨、九月後值荒歉二年、公周旋致身、不避其

艱士林倚重、百姓依歸、南都根本之地、賴為一大保障、初公至、應天適癸未、考查京職、有言官嘗為公屬吏、懷怨者、劾公、因緣鄉里權要、驟陞京堂、部院題覆、謂公久敦士行、素重官評、公亦累疏求退、上特慰留、及應天政成、撫按交章論薦、至再至三人望益歸、嘉靖三年冬、陞都察院右僉都御史、巡撫宣府、

朝廷尋以鄖陽事重、改提督撫治鄖陽、任方兩月、又以甘肅西接回夷、北隣胡虜、南邇土番、介處其中、孤懸萬里之外、近且士卒叛逆、人心未定、乃又改巡撫

其肅公至月餘、回賊三百寇山丹、公調度斬擒酋首、脫脫木兒、及餘黨三十六級、回賊退服、不敢復肆、乃遂作士氣、時簡練、禁侵削、杜移役、實月糧、廣儲蓄、均水利、興屯田、撫屬番、比及數月、人心感悅、咸有聞志、肅州有造匿名帖、欲謀作亂者、乃奸人每當徵收屯田時、輒造此言、以乙緩征、公乃會總兵親詣肅州、下令有能告捕者、賞百金、數日有告者、捕得一道士及數軍生、按實置罪、即如約給賞、告者因詢屯政之故、餘額外之科、衆心大悅、竟無他變、先年土魯番大掠

其肅。廟議閉關絕貢。至是數遣番文求和通貢。語猶悖慢。公上議宜出師示威。可保無事。時總制王公欲遣帖剌其王速檀滿速兒。公又議自我太宗設立哈密。後為土魯番侵奪。先後經畧大臣止。為此尺寸之地。今雖為彼占據。其名猶為我地。若帖云即將速檀拜牙送還哈密為王。如本人不振。聽爾選擇。本數有力量一人。主理國事。則使此虜自專。廢置是棄其地矣。不可行。因上陳七事。皆獲俞允。西城有貢獅子。犀牛。西狗者。前巡撫陳公及禮部該科請却不聽。

公奏言 皇上即位來不好珍禽奇獸近曾却御馬
監虎豹之採以為無益今復用此豈 陛下有見于
虎豹而不見于獅子牛狗邪伏望却還以潛消遠夷
窺伺希恩之意尤願曰御經筵親賢士云公在甘肅
二年華夷帖服邊人惟恐公去巡按胡君體乾疏請
宜進秩以酬經畧之勞久任以慰邊人之望丙戌進
右副都御史巡撫陝西內撫八府外餉三邊兵荒相
仍時事甚難公靜以養民義以訓兵嚴以馭吏明以
祛奸圖大體急先務以為關輔之望丁亥北虜寇固

原公調度截殺斬首百有九顆蓋前此所無之功也
上賜勅獎勵予大紅織金紵絲三表裏白金三十兩
陞俸一級戊子歲大饑公疏請盡蠲租稅大發銀鹽
以行賑忠誠懇切上為之感動勅下如議公晝夜區
畫選委賢能守巡綜理周悉關中之民賴以全活故
雖遭大亮地方無虞其議

事宜錄織造大監

至陝供億甚繁則因歲歉奏請停止上命取回
人心大悅謂公有回天之力庚寅陞刑部右侍郎
未任丁毅菴先生憂服闋大臣科道屢薦癸巳八月

起改兵部右侍郎朝野屬望乃九月下旬遂感痰疾然猶在部理事十月初大同軍叛力疾上疏討賊之策且求休退上不允下其議于有司時有言官繫獄問死刑者一大臣欲具疏以救謀于公公曰祇成君之名耳不能救彼也其人問故答曰須同諸法司請于當路者使恩出于上則可從之言官果得緩誅是月望日上賜鮮藕于其第十一月二十六日終于宦邸之正寢距生成化庚子年五十有四歲歷未能竟其所學嗚呼痛哉病中縉紳訪候無虛日

遇人輒論國家大事、及為學之要、亹亹忘倦、不知其
病也、訃聞 上傷悼、賜諭祭、勅有司營葬事、諸公鄉
臺諫部曹暨鄉黨知舊為文誄之者百餘篇、其頌紀
德業無異辭、初公生而岐嶷英敏、五歲母趙淑人歿、
公號哭擗踊如成人、常依鞠于外祖趙翁、翁每撫其
首曰、此子面方口大、動止不凡、他日必昌冠門、年十
二從邑人任同知、受舉子業、十五補邑庠生、弘治丁
巳隨其叔父大理裕菴公于京師、游中丞姚東泉之
門、布袍短褐、往來徒步、東泉甚重其器識、同諸君講

學京邸公篤信踐履勇于寡過同儕遜之一日聞發
菴先生病嗽急即暮裝歸千餘里六日夜抵家侍湯
藥不解帶者四十餘日發菴先生見公至喜疾漸
愈鄉人稱其孝感後公在寧波南畿闕中皆迎養事
吳淑人極其誠敬痛趙淑人早逝言及必流涕處諸
弟恩義備至從弟天與幼孤携教官所發解山西登
進士今為東昌知府其交交始終無間病疾患難盡
心相恤鄉里無大小皆有恩禮則公著于政績者豈
偶然哉公上世本徐溝縣人國初有諱信者徙籍榆

次信生文長、文長生彥清、皆隱德弗耀。彥清生琰、琰剛毅重厚、寔昌世業。琰生玘、馴雅純篤。以次子儉貴、贈大理寺左評事。以公貴、贈都察院右副都御史。配張氏、封太孺人。贈太淑人。是生毅菴先生、諱恭、及裕菴者也。先生以太學生仕、判定州、明敏不詭。定人至今頌之。以公貴、封如其官。配即趙淑人。寔生公。繼配吳淑人。生天秩、天衢、俱七品散官。天瑞舉人。然則公之所淵源者、遐哉茂乎。公配郝氏、相敬如賓友。累封淑人。蘇州府同知珌之孫。子男二、長陽、已丑進士。禮

部主客司主事、學行克思、蕭公娶王氏、贈孺人、都御史和順王虎谷先生之女、予嘗擬之程張朱蔡為姻者也、繼娶王氏、憲副陽生公槐之女、再繼趙氏、封孺人、義官趙晏之女、次陟、蔭補國子生、聘太僕卿太原侯公綸女、女適邑人國子生郭堯臣、卜明年嘉靖十四年二月某日葬公城西祖塋之次、今年春、予以公務、取道榆次、以哭公、詢其後事、陽言、臨終、棺斂之需多假于人、俸入謹置田數區、雖居第、仍舊弊陋、未葺、理乃延予、食于天秩之屋、天秩屋、反優公數等、予

謂陽曰。此汝父所以超邁常流者也。汝繼其志。增光
多矣。陽收淚不能已。予與天秩皆哭。陽遂以銘請予。
東昌又以前太常卿翰林院學士棠邑穆公伯潛狀
來。予覽輒泣數日。而後能次第其以志之。銘曰。嗚
呼。自斯學之不明也。過之者。驚為高論而行未方。不
及之者。溺于流俗而見未弘。士習日敝。民生寢殃。惟
公同諸君子之遊也。蓋久未此乎快快也。是以處能
從其所志。仕能行其所藏。惟道義之是履。雖禍福之
弗忤。司刑之祿淑。問典郡則著循良。京兆巡撫之所

至輒鴻功偉績之收成實俊造之楷範廊廟之棟梁也乃今已矣士林失望將歸窀穸何勝悽愴爰銘貞石河山並長

明僉都御史前國子監祭酒虎谷先生王公

墓誌銘

武宗毅皇帝太
何之柄
持之閣
官天下
絕海
矣而如
嗚呼虎谷先生有作人化俗之文有攘夷戡亂之武有因時明禮之材有援古修樂之具其提學關中時柁為所造士親見儀範身奉教約雖使思孟設科無以過之當其志固欲使天下人各得其所也及柁為

修撰時
何子少
先生而
先生後
當轉官
首讓何
子於
朝當
其志固
欲使天
下賢皆
盡其用
也嗚呼
先生古
睿聖
之徒乃
今已矣
將天不
欲使斯
人之有
知乎嗚
呼痛哉
先生年
十九歲
中成化
癸卯鄉
舉明年
甲辰舉
進士丁
未除禮
部主客
司主事
即清忠
效官獨
立不懼
無故足
不躡公
卿門不
赴無名
宴或謗
其矯激
父亦自
息憲宗
弗豫禮
部沿舊
典舉齋
醮先生
言於禮
部尚書
周公洪
範曰祈
禱固臣
子至情
第行於
佛老

修撰時嘗同河內何粹夫謁先生因請馬陵註不合
何子少先生而先生後當轉官首讓何子於朝當
其志固欲使天下賢皆盡其用也嗚呼先生古睿聖
之徒乃今已矣將天不欲使斯人之有知乎嗚呼痛
哉先生年十九歲中成化癸卯鄉舉明年甲辰舉進
士丁未除禮部主客司主事即清忠效官獨立不懼
無故足不躡公卿門不赴無名宴或謗其矯激父亦
自息憲宗弗豫禮部沿舊典舉齋醮先生言於禮
部尚書周公洪範曰祈禱固臣子至情第行於佛老

詭奏
時務
不可行
奈何
與
錄
也

宮非禮若為壇於南郊隙地大臣率屬禱於天三日
可乃不克用弘治庚戌土魯審貢獅子先生商於司
郎中欲却之不從遂袖藁以見部侍郎周公經尚書
耿公裕皆然之司郎中怒乃又婉曲與語疏入得允
天下傳為盛事辛亥陞祠祭司員外郎乙卯部尚書
倪公岳因災異倡府部院疏弊政用先生四事草一
懲邪慝二禁給度三停減齋醮四議處宗室言甚
剴切丙辰陞郎中他日倪公默語先生曰朝廷必
欲度僧奈何先生曰當力爭之曰勢已成矣先生乃

疏列千餘言三上皆不報僧道通中貴者謀欲普度
撼以危語先生不動久之命下度僧不多而逃軍
囚匠不與時人皆喜其有回天之力神樂觀道士多
賭博或姦盜教坊司或買良為娼錦衣衛校尉獲賊
又誣娼巧取其資漸以成風先生皆疏題禁絕之又
奏准天下郡縣皆立名宦鄉賢祠為後人式並祠薛
文清公於鄉而凡斥韓王徵鑾之道號禁吉府土木
之科擾上嘉納由此識其名丁巳京城風霾踰旬
各處天鳴地震先生陳修德弭災之道大意納忠言

罷左道齋醮傳辦傳奉諸事。上遂下詔求直言。

先生又代部尚書及諸大臣條二十三事。時太監李廣與壽寧侯表裏通惡。怨徹中外。人莫敢言。先生乃又獨上疏乞斬泄神人憤以弭災變。廣怒。令道士設醮咒死術以舒恨。亦不驗。乃令校尉數伺先生出入。十二月朔。聖駕郊天。看牲回。誣以駕後騎馬下錦衣衛獄。先生被罪。從容有詩題獄壁。蓋充養有道。見危受命者如此。戊午三月。謫知河南陝州。命下怡然就道。比至。問民疾苦。興利祛害。惟恐後。州城高阜井

深二百尺、民難於水、乃勸富僧通唐人長子操、濬齊
渠水入城、民皆踴躍、日受百狀、皆與別白、匹夫匹婦
得言其情、口訊手判、仍應他務、人以為有劉穆之之
風、沈姓兄弟因甕爭訟、則買甕遺之、兄弟感謝、屬邑
靈寶有誣民殺夫有其妻者、邑吏鍛鍊成獄、先生察
得其情、并其妻皆出之、尚書許公進之、姪犯法、亦治
如律、許公稱為真君子、謝其相信之深、雨雹傷禾、乃
卑騎遍勘村落、穿林入谷、晚宿民舍、自出米菜食之、
里老亦自裹糗糧以從、每催徵嚴令、禁酒里老不敢

求索乃有勢豪謀利病窮民者則痛治之以戒衆而
又表賢者之間講程朱之學毀僧尼寺以正風俗拆
太山廟以給學田於是士民翕然懷服擬諸古循良
吏已未冬朝覲南京科道官上疏言先生及布政周
瑛等經術氣節撫字鋤强才行政績不凡欲照天順
四年例賜衣服楮幣宴於禮部不果行十月李廣因
先生奏漸疎於上懼誅飲毒死吏部員外郎張綏
及鴻臚寺丞俞林編修劉瑞御史張天衢皆上疏乞
窮李廣賣官鬻爵之罪獎先生犯顏敢諫以慰人心

減華標
而增本
實直
先輩之
風乎子
期死后
誰是知
音

閱月乃陞陝西按察司僉事奉勅提督學校道過
陝州父老擁輿號泣如別父母自卯至巳始獲出郭
至則教人先德行後文藝鋤刀惡拔信善崇正學毀
淫祠學政肅清三秦風動豪傑之士莫不興起辛酉
陞副使奉勅整飾洮河岷州邊備州染夷俗頗乖
禮教法度乃申孝弟革宿弊所按部賍汚官吏有望
風而遁者軍法嚴明邊卒悅畏西戎遠遁其條疏入
事并禁約三十餘事皆可常行甲子考績都御史楊
先生用寧及御史季春交薦其賢乃復改提學關中

士子相賀曰王先生復來後學得依歸矣於是士子益自策厲甚至有駢肩接踵向往於道駸駸乎復周漢之舊者矣是時尚書馬公文昇柄銓衡因馬儀之事為撼有磨氣之說先生聞而作神劍詩以曉之正德丁卯陞山東按察司使關防凜然人不敢犯雖同僚有事率理法者亦必曰慎勿使先生知且嘆服曰王公非今按察也郡縣吏之賢否憚詢諸訟者密記之以行獎責一時畏若神明時劉瑾專橫因前官陰使校尉至山東緝訪亦無刺舉言因以寢八月丁母

夫人憂歸明年吏部尚書張綵欲起復乃上書

力止之已已服闋陞國子監祭酒先生始被

命欲堅辭友有遺書言執政者誦

太祖褒中士夫不為君用者當殺身滅家語於是先生父大司徒公曰吾老矣汝置我何處死乎不得已收拾平生詩文付門生周朝著藏之泣而就道至無所餽瑾怒欲重以禍竟不能得時國學教廢先生朝夕講說約束太嚴誹謗四出值瑾苛政人皆危之先生不為動六館士子卒感服先生欲更六堂名曰主

敬窮理修身修道教諸生讀小書以上達瑾聞怒曰
王雲鳳亂成法欲代邢讓死耶先生以道不行怏怏
求去會瑾下獄遂上疏乞致仕時相有忌先生乃改
南京通政司右通政先生復上疏陳乞准回籍養病
壬申御史楊邦禎通政使丁鳳都御史石先生邦秀
交薦其賢上命巡撫宣府地方先生上疏以疾辭
不允乃上楊太宰書稿傳京師人爭錄誦先生再欲
辭避尚書迫之行不獲已奉勅之鎮豪猾久攬糧
草者聞風遁迹至以便宜從事將官犯法依律重輕

計米至萬餘石、用足軍食、先生號令嚴明、法度整肅、
自叅將以下、頤指氣使、莫或敢喘息、練習軍士、率有
紀律、日戒諭防衛、如賊在目前、虜畏不敢輕入、北門
鎖鑰、時論歸之、而閔月丁父尚書公喪歸、將士遮道
感泣、有餽以香帛者、不受、乙亥二月、服闋八月、除職
如故、清理浙江鹽法、先生上疏乞致仕、疏入、不允、且
促使供職、先生復上疏、推讓賢能、懇乞致仕、上不
允、准養病、病痊、超用、先生曰、吾志遂矣、先生生而神
氣清徹、舉止端重、異群兒、年十一歲、與鄉人立、適妓

女過之拜而不荅同舍生或借其扇潛與妓女赴人
宴先生知之後以扇還擲之地下同舍生慚取他扇
償之少年趨向之正即異流俗中顥若此長益刻苦
自厲穎悟出群六經百家言一誦輒不忘文章頃刻
立就二十登進士相識以花紅迎賀却之曰烏用是
炫耀為哉衆嘆其不可及觀戶部山東司政時廣東
陳白沙陝西薛先生顥思負重名及門者尊之若程
朱先生聞其言論評之人以為兄先生負經濟之學
以堯舜君民為心天下想見風采累辭不出人以道

采大行為恨先生天資豪邁狀貌魁異知識卓越器
度宏遠博學力行以聖賢為標的居無惰容自少至
老如一日常曰一息不敬便與天道不相似理明義
精視國家生民利害若切於身遇事敢為機動矢發
無留礙一有弛張上下嚮應雖權力弗能齟齬臨死
生禍福之際有定見不苟趨避守官清介人不敢干
以私歷任三十年治行可采旌擢之典獨後於人時
論稱屈博不動念拜官力辭再三乃已一不得志即
奉身而退人以進退合義為稱尤篤孝友執親喪勺

水三日不入口、卧苦枕塊、哀毀骨立、妻妾不同寢處、
有父在一衣不私製一錢不私蓄、人以為難、自負獎
拔善類、終始不踰疾惡、甚嚴、不少假貸、家居屢空、茹
蔬衣敝、澹然自樂、門庭內外斬斬、五尺童子、非稟白
招呼不敢入、宜人李氏貞順、莊謹、先生相敬如賓、邑
宰有貪酷者、不時戒諭、里人困苦、恒注意區處之、或
誣罪至死力為白、於官得出、後學執經問難、語諄諄、
忘倦、與人接貌莊氣和、言與心孚、可畏而親、談當世
至綱紀不振、則感慨泣下、及奸臣貪官怒氣勃然、鬚

髮亦奮有擊搏之狀憂國之誠老而彌篤或杖竹於
門跨驢於野不改布衣時行旅農夫見者嘆息有曰
此人入朝天下有福然不理於諛佞之口乃信於愚
朴之民天理在人心有不可得而泯滅者如此於書
無所不讀尤邃於性理之學書法真草隸篆自成一
家端勁如其為人四方人多求之文有氣力不假雕
刻模放而出入古格滔滔不竭詩賦亦清竒古雅所
著書有小學章句博趣齋稿讀四書私記若干卷先
生為學守敬義事君秉忠誠功業樹中外聲名滿朝

銘語
冷有九
淵

野道德文章政事皆可擬之古人云先生諱雲鳳字
應韶居山西和順之虎谷因號焉父諱佐南京戶部
尚書母馬氏誥封淑人感竒夢生先生於成化乙酉
七月二十五日戌時卒於正德十二年七月二十二
日亥時配李氏誥封安人女四一適同邑監生周孟
霄男周約一嫁榆次人都御史寇天叙男寇陽一嫁
太原人陝西僉事閻鐸男閻徵甫一幼銘曰嗚呼
虎谷先生志欲行於天下而位未會當非時耶然亦
少有試矣由今言之又不可謂不遇也嗚呼虎谷先

生。

明福建左布政使質菴范公墓誌銘

質菴范公之歿也其子舉人永宇兄弟自桂陽寓書金陵曰往年字母何孺人歿涇野子旣銘之石矣茲父之銘諒亦不靳乎并以前郎中閩人林炫狀來予嘆曰嗚呼質菴公乃未究其志而止此邪按狀公諱輅字以載別號質菴初號遠谷子再號三峰郴州桂陽縣人生有奇質長益英邁登正德辛未進士筮仕行人是時諸所差遣多徇干謁而職司其居者顧或

以行人
而論列
行人事
似亦今
人所罕

范質卷
蓋金楚
問氣云
此文模
屬通真
公剔歷
不辟時
乾以身
嘗諸眾
不可及

不與君即上封事引明前典至以冗員自讓侵官諷
人於是使事復舊風采懋著嘗使蘭州再使崇府皆
禮成即返無所滯染冢宰遂菴楊公稱其學識氣節
度越等夷甲戌選授南臺理刑明年授雲南道監察
御史首言建儲以安宗社謂

先帝御極榮王留侍宦瑾亂法致之去京今當妙
選宗室倫儲貳位俟有青宮然後分茅

至引宋韓琦懷孔光傳以上仁宗而其馳騁騎射服
習戎陣不御深宮孤立可畏諸語聞者繼云

官簡文王忠怙勢凌辱監臨主事至捶殺其隸人太
監黎安遘隙寧淮二府至析撻其長史南京守備
劉瑯貪婪暴虐至令都人罷市切齒刑曹郎中聽富
民析產之訟至受寡婦之金而徇偏私公皆歷疏指
劾乞正大法南都稱快其論納馬姬事比擬過直尤
人所不敢言者丙子冬奉

勅清理江西時逆濠虐焰方熾有勸公避難者公引
埋輪事以行至未數旬即論濠優秦榮僭侈居如
王宮繼論濠令三司朝服慶賀蔑棄典禮乃又劾太

其出萬
死于一
生於亦
鐵中之
乎

監畢真附醜仇正瀆貨無厭都指揮郭宇傳泄諸司
消息罪狀重多且請武廟或出郊原嚴警蹕敦扈
從以防不虞當其風采人或比范滂云然真宇皆濠
黨也濠真使人遮留公奏各先誣奏公離間骨肉誹
謗宗藩公巡歷至贛被

旨令拿解繫獄拷掠幾斃值

聖駕北狩縲紲七月後送法司議罪復值

聖駕南巡又淹繫經年始謫龍州宣撫司經歷爾乃
修崇禮信均平賦役又使知送死之道以感化四夷

未幾逆濠及真瑯相繼以叛誅論者謂公有曲突徙薪之功交薦十餘疏辛巳

今上登極詔復原

職送者填道泣別名其厓曰滴淚厓閱月即陞漳南兵備僉事四閱月又陞饒州兵備副使蓋殊擢也饒州東湖盜之淵藪也公議設官兵於康山以控制又乘遏淮府群校之恣橫乃修饒城及萬山東鄉二城創置安仁一城皆經畫有式出納明允而又築湖堤以壯學宮增濶澤以掩貧飢焚庫皮以祛積崇威惠大行信義昭著盜戢民安屹然一方有郡守垂禮

因公面詰遂生荆棘且嘗見忌鄉宦構興讒謗流布遐邇言官論列漫及於公公即懇疏乞歸撫按交留旌薦不顧未幾一巡察使

奏調公南贛以便行事公曰監司改調屬官宴然綱紀解矣遂三疏得

旨致仕饒人刊遺愛錄以傳公歸杜門課子當路故知片札不通三年一日也已及尚書胡公永清薦起公密雲兵備副使尋轉本司討鑛賊有功獲

賜金帛是冬陞陝西叅政分守隴右陞劄鞏昌協勦

西蕃板兒等族再荷

賜金七閱月陞福建按察使過家省母朱夫人承歡
月餘母忽遘疾不起居喪哀毀數日不食服闋廵撫
汪公珊薦公與唐公鳳儀為全楚長林乃甲午春復
起山東按察使撫按交薦秋陞浙江右布政使藩務
叢雜乃未明振衣日中退食形神頗瘁丙申陞福建
左布政使七月涖閩精神頓減歸思屢興十月二十
六日遽中風痺越三日卒於正寢嗚呼傷哉公和厚
精確遇事敢為勇不可奪事母至孝獄病中形之於

詩撫兄孤女極厚。嘗携養一甥於宦所。捐積俸貲立
置家廟。序刊族譜。周族人之不能婚葬者。叔珏卒於
金陵。貧鬻其子。公贖之以還。又歸其喪。鄉友許君愷
卒於塗。疫躬為殯殮。至於辟薦名賢。如恐不及。雖處
鄉州盜寇。亦皆有策。然則御史之風烈。藩臬之樹績。
豈偶然哉。公配何氏先卒。舊無妾。赴山東過徐。始納
一妾。曰張氏。公卒之五日。自經以從之。亦異矣乎。子
男四。永襄貢於鄉。永宇永官相繼登名鄉舉。皆嘗從
予遊。永案業儒。女一適醫官郭。叟孫男五。時敝時款。

皆立涇
野有激
十秉而
託之乎
斯銘我

俱邑庠增廣生時敷時敷時徹尚幼孫女六曾孫男
二元默元熙公生成化十年甲午九月十一日享年
六十有三所著有質菴稿及續稿若干卷藏於家永
寰將以某年月日合葬何孺人於某山之原是宜有
銘銘曰嗟乎御史之難能也士風之邪正世道之
隆替關焉夫彈劾其職也當其有勢恐忤權而違時
也或逡巡而避當其無勢恐寡言而曠官也或搜剔
而論夫薦賢其職也當其高賢恐其或拂人也姑隱
忍而已之當其未賢恐其未合人也或夾帶而辟之

此不刊
之論范
君知已
也忍使
琳瑯作
擲地聲

於是豺狼恣於當路。姐姪齒於膺仕。士風以邪。世道
日替。憂國之士。每切念焉。范方伯之初為御史也。
侃侃乎其嚴辭也。庭庭乎其正色也。斷斷乎其履公
也。是故寧論劾劉瑯。畢真。袁濛諸奸。雖瀕于死而不
悔。而不欲以迂說浮議之事。姑以塞責而免禍。寧論
錄羅玘。張吉。王思諸賢。雖寢其報而不怨。而不欲舉
鑽刺營苟之人。姑以示恩而徼利。得公數人布列臺
省。又何憂士風世道哉。乃今云已。傷如之何。銘此貞
石。千載其不磨。

人之生
平患無
操持不
患坎坷
若繡嶺
公者真
可與子
斯道者
哉

明通奉大夫四川左布政使繡嶺楊公墓誌

銘

公諱淳字重夫號繡嶺同子舉正德戊辰進士仕至
四州布政使歸而卒于正寢者也初楊之先世出華
陰縣有百戶君者徙澄城生政政生敬祖皆居澄城
段庄里光祿村明興有諱仲微者始徙臨潼縣安業
里仲微生和和生讓成化末輸粟千餘賑救貧之生
子彪贈浙江道監察御史彪生欽是生公者也以公
初官累封工部郎中加四品服色母王氏封太宜人

公樹勛
展采提
身繕性
無一不
集事而
振俗古
所稱志
在行道
方圖齊
軌者乎

公垂髫時雅有志向時祖業頗豐公一志于學不為
富奪祖于諸孫中特鍾愛焉曰此其大吾門乎弱冠
受詩于季父運使石川翁以儒士中弘治辛酉鄉試
既偕季父愈憲櫟東翁同業于大學公既登進士觀
政兵部授江西道侍御史時宦官劉瑾索求科道瑕
疵適決大辟衆皆推避無肯行者公請行大中丞屠
公喜其能任事也而瑾惡其同鄉不附已諷當道改
公工部屯田司主事庚午安化王叛王師于征公為
之先事前行卒未被差荊州抽分竹木時川中多盜

商販十減四五，兼以勢要請託，齟齬旁午。公一切遏抑不行。時有青龍之謗，竟未能污秩滿陞。營膳司員外郎管臺基等，厥尋差遼東查盤軍器。甲戌陞都水郎中，奉勅管理通州南旺河道。浚決潢污，築復隄防。一時糧道稱便。京儲頃增。時中官方橫，舳舻往來，陵轢州司需索無算。聞公退避，有號二劉者。

勅使西域取佛，其船百艘，所費萬計，聲勢赫熾。沿河州司懼不敢支。公移檄擒治其前黨，衆斂迹而去。國初工部尚書宋公禮治河有大功。禮曹議祀，以宋

居中、有司奉行違錯、又進用都督于其中、公奏改正修葺祠宇、纂王端毅公奏議、丘文莊公之詩、刊為漕河紀事、以永宋公之功、又發庫帑羨金、以脩孔廟、其地舊有徐君墓、乃延子陵掛劍處也、亦築祠立碑表其賢、三載再補虞衡郎中、未一年陞湖廣寶慶知府、南楚風浮俗、又尚鬼、公乃首興學校、延經師以勸生徒、四擒妖巫、徧毀淫祠、始則詞訟盈庭、一判數千、繼旬百人、再旬十人、期月之間、浮風丕變、巡按唐君薦其剛正清明、惠德安民、有其妻外適而娶妾

美玉無瑕
瑕亦
惜玉有
之識者
思質焉

者其妾生子已生員也尋其父不認告之公公用古
水盆法破其鼻流血盆中并取他隸血于盆以辨同
異其民遂抱子而泣歸處其妻如初又奏革岷藩
過用桐油船料數萬及強占居民田產數千并擒治
擄置之人岷藩上章誣奏事下湖廣鎮巡會問其
叅語曰知府楊某矯枉過直致譏激怒于親王疾惡
大嚴因公取怨于官校究其立心行已之迹無非守
職愛民之心罪固難辭法應調用得

旨乃調知鄖陽府才七月陞山西副使奉勅管理

鴈門等關兵備便道歸家適封君邁疾公侍湯藥月餘而封君卒人以為孝思所感也起服除湖廣榔桂兵備榔桂楚之南徼也地雜苗夷俗多寇盜有禪光眼者聚衆數千肆行劫奪公皆捕平之蒙賞賚嘉靖辛卯陞四川叅政次年陞本省按察使次年陞本省右轄尋陞左轄公在蜀威茂諸邊將常因蕃夷入寇多殺無辜以邀賞賚公累檄諭以禍福勸戒切至諸將感悟蜀藩知其廉贈兼金一百撫臺贈金八十皆不受貯之庫其為叅政時嘗視篆當放支銀伍萬

或曰此可得羨餘終不肯放支公平生清忠自勵慕
趙清獻之為人俸祿外一毫無私子弟有諷其置產
業者乃厲聲訶之曰汝第勤耕力學我不為汝所役
使也見著綺羅者則曰此天物也汝等可易用乎甲
午冬聞太宜人訃毀恒幾不生即日奔歸自是遺榮
養素居室蕭然己亥五月十六日丑時有雷震聲異
常即攝衣起危坐有待人弗喻其意是夕衆見星隕
于居之西北隅次日遑賓談笑間少覺不決遽不起
矣嗚呼痛哉公元配魚氏贈宜人再姜氏贈宜人張

氏孫氏俱先卒高氏男東星娶米氏孫男女各一尚
幼公生成化十一年十一月十二日享年六十五歲
弟瀚卜今年十二月二十五日葬公永豐鄉石川河
之右狀乞銘銘曰猗大方伯陝士之英秉直不屈
別歷有穀昔在都水宦舟歛藏寶慶之守湖民用寧
藩臬于蜀爾道滋章銘茲貞石千百年光

明亞中大夫四川布政司左叅政硯莊先生

葉公墓誌銘

予讀漢循吏龔遂黃霸傳未嘗不痛想其風於來世

不盡諸骨
不傷氣
葉公行
實現球
具見此
篇中

今觀汪太僕所狀叅政葉公守東昌事將無同乎東
昌劇郡管州三縣十有六路衝南北旱澇屢災科征
頻仍至難理也公曰守為民而設民以食為本乃先
舉常平法豐歛凶散儲粟數萬次立團甲法十戶為
團團有長凡丁業出入皆有籍稽次立三役均派法
上役重者移中役中役重者移下役下役輕者移中
役優役濫者還本役乃辛壬之間齊魯歲歉聊博尤
甚趨城饑人日至數千公命吏籍記如宋富鄭公救
青州法分處道庵僧刹及瞭館空宇先出俸金易粟

復勸富室捐粟乃拜發所儲常平粟廵瘠者與粥能
動履者與糧不能耕者與牛不能種者與穀米流移
而饑者亦量與賑凡活人至二萬在平土人屬鄉遷
民屬屯屯初任意懇田盡畝報糧後地狹糧重棄地
轉徙或貪售地以存糧遂至貧者有糧無田富者有
田無糧公請行魚鱗圖以量田得實地萬有一千餘
頃命凡田有糧凡糧有田冊藏于官帖給于民其沙
鹹惡地聽民自理於是歸業者千餘戶歲亦大熟累
年逋稅不督皆完郡北有減水閘蓋洩聊堂萃三邑

流潦入運河者也。歲久閘圯，淫雨漫漶，廣役民田。公請以椿草折銀復建之，害由是息。郡有二衛，衛官頗縱。公白當道劾罷渠魁，兼懲悍卒，衛始帖服，不敢侵民獄。中係三死罪，情實可疑，力請開釋。守巡意乖，公曰：「冤婦致旱，况茲三囚殺人媚人，球豈敢為？」卒與平反。公每鞠重罪，通宵不寐，嘗讀歐陽公瀧岡阡表，感所書平生事，揭之座右，以自警惕。故庭無聚牒，獄無冤囚。隣境雖有他盜，亦皆竄息。不生浙運過郡，官卒閑閘留滯數日，公命閘吏放行，官卒遂闕，搥吏幾死。

公收官卒痛朴遣去尋督漕運俞公怒而詰公曰知府而責運卒邪公曰知府止治擾吾土者耳頃俞公進掌內臺授巡按孫御史意奏調簡登州賴太宰喬公素知其賢得已蓋公篤志斯民雖勢不避則於其民生養安息將無不至古所謂民之父母者乎乃又撤淫祠葺儒學誨生徒正婚喪表鄉賢獎孝士明列女風厲化導不帶一養而已將孔子語冉有以庶富教者公亦庶幾乎故巡撫王公上其績于朝曰學不泥古政事適變通之宜才足經野賦稅得損益之

善流離復業而戶口漸增徵派先完而宿逋亦辦循良之體不失卓異之績顯然云初公舉甲戌進士授戶部主事即差監太倉時內宦憑勢橫虐縱卒侵漁或歐撻運官公縛卒寘法以理折服而又革姦祛弊糧運稱明其督運宣府雖北地祁寒毅然不辭收納平允耗無增多比至交盤羨亦不減乃又明懸戒約理喻斷絕中貴網絲遂使常盈諸倉逋負十萬民咸歡輸比竣事還部中貴感別其用柴草塲之直以葺埠岸革霸上諸馬房之包攬以杜失火利害禍福尤

不怵心。他日武廟北狩，車騎萬數，芻糧告乏。公即馳至部，申畫招商之策。部尚書石公慨然從許。而公又拒權勢之請，絕冒中之人。民商樂輸，供億不缺。一日榆河百騎突來，蓋即駕也。公伏謁道旁。時武廟方厭接文臣，遣騎來詰。衆皆危懼，而公不失措。騎回奏曰：「乃管倉主事，即昨疏請回鑾，并劾太監郭某而軍中所稱糧芻平者也。」上頷之，釋不問。未幾郭宜卒，以貪敗。比公還部，部尚書楊公深知公賢，凡各司郎中或缺，命公攝印。而公亦誠直，自將事有不可抗。

論必至有勢豪中益奏下公執不可榮三星堂及
武廟南狩凡部中事擬議參決必宜于行則東昌之
政此其已矣試矣初公生而警敏讀書輒成誦年十
一從其父封君游姑蕪端居旅肆終日誦讀見者驚
異封君所至多交文人才士作為巖詩公竊學之輒
有可觀年十七受禮記於仲兄太守孟齋二十提學
陳公琳選為縣學生二十七援輸粟例入胄監祭酒
藁城石公司業竟陵魯公皆奇其材又八年果舉進
士公受性孝友其事封君及母游孺人咸得其懽心

於其重義輕材尤先意承之封君逮疾憂形于色躬
調湯藥衣不解帶既喪哀毀過禮其從孟齋於寧州
也率與其邦之賢士大夫游有聞與告有私與絕則
曰吾兄爲清白吏足矣伯兄蚤世子俊有童心而季
弟庠生天榮又老於學公儆戒慰勉無所不至季父
靜軒素器重公公亦感其知愛於其壽也請榮以散
官其處羣從子弟又盡言規正不使有差雖姻族鄉
黨亦皆曲有恩意嘗壞積券曰居官不能仁鄉里乃
以是自累耶至於直諒處友朋接引後學尤所不倦

然則東昌之政豈無所本哉公諱天球字良器姓葉氏號礪齋一號硯莊徽州婺源人也先葉本姬姓時季為司空食采于沈後為沈氏沈諸梁子高為葉公後又為葉氏葉公之後六族居南陽者莫考建安初子孫渡江居丹陽散處江南者大中大夫望始也望之後五傳居歙之新安者承直郎林秀始也林秀之後由中平迄今外莊環溪者細三公夢志始也夢志生友友生亮亮生炳炳生朝宗朝宗生玄否玄否則公之曾祖敦本力善氣行卓犖贊稚于鄉嘗掌區賦

傾綱運行輩推焉玄否生觀武宅心寬厚人稱長者
觀武生兆允配游氏是生公兄弟四人者也初以子
天某貴封文林郎崇仁縣知縣子孫稱崇仁君後又
以公貴贈中憲大夫東昌府知府博覽惇行孝弟信
讓游亦封孺人贈恭人嬖德於崇仁君然則公之原
流於先世者遠矣夫龔遂為司農黃霸入為丞相公
雖以河南右叅政管府事嘉靖丁亥二月陞四川左
叅政行至鎮江乃七月十四日卒享年止四十有八
使天假年龔黃位不難到也配汪氏玉山縣丞禮軒

汪公厚女封安人加封恭人子男份原學也嘉靖癸未進士授南京戶部河南清吏司主事娶詹氏孟能續公之志而益光大之者也女信圭鎮圭福圭俱蚤夭孫男懋之孫女茂蘭茂孫公所著有上谷藁淮南藁硯莊雜藁荏山行藁數十卷藏於家原學將以某年月日葬公於某山之原問銘銘曰 倚磋硯莊視履孔臧行發婺源政在東昌為時惇哲並漢循良年四十八古昔先民厥實豐厚其蔽允長公之言曰古學尚行今也辭章尚行相孚辭則行涼凡厥有行無

忝所生。肆其事業。陋彼尋常。設施條列。咸可法程。言
詩撰文。雅稱先生。寓書原學。邁迹官箴。我銘斯石。千
載為章。

明贈左副都御史謚忠節江西按察司副使
許公墓誌銘

予嘗謂天下之事。奸巧者。釀其禍。忠貞者。嬰其敗。自
古及今。其執一揆。則予於忠節許公之死。未嘗不痛
恨而流涕也。當正德丙子之間。佞倖讒邪。竊柄納賄。
群臣半與交通。蒙蔽武宗。於是寧藩宸濠私窺其

隙下結桃源華林諸賊以據有其財上賂要寵鉅權
諸門以陰附其勢睥睨神器四海共聞而不敢言
是時公方憲副江西言於巡撫諸公曰寧府果於為
暴者恃權臣也權臣曲右寧府者貪重賄也重賄靡
所不到者為盜藪也方今權臣既難去寧府又難制
策惟有剪盜則財困財困則賄息賄息則交解交解
則惡孤而吾志可行不然後難圖也諸公皆固拒之
踰年戊寅宸濠滋橫迫脅撫鎮保薦賢孝逆跡已露
臺諫論劾詔差都尉傳郎中官往問且宣諭宸濠

惶懼乃六月十三其生日也自巡撫孫公以下具幣入賀因大饗之明日諸官入謝宸濠遂反颺言曰太后有旨召我如何孫公曰願出旨以示然素忌公威名又特問曰許副使如何公曰天無二日國無二上副使惟有赤心耳宸濠怒曰我不能殺許逵耶公曰汝能殺我天子還能殺汝特先後問耳遂令僧人執公暨孫公以出公顧孫公曰達疇昔之言正為有今日耳遂俱遇害於惠民門外時盛暑尸不臭蠅蚋不近數日而顏容猶生秋七月提督軍務餘姚

王公伯安克復省城其部下知縣王冕及一巡檢生
得宸濠於鄱陽湖以獻王公於是省城內外人皆素
服哭奠公柩哀如父母王公命有司祠祀之又疏奏
其忠烈今上即位論功定賞贈公左副都御史謚忠
節遣官諭祭安葬且命有司建祠其鄉蔭一子
賜為錦衣衛正千戶嗚呼若使公職司內庭必能
計黜權臣制宸濠於未然即剪盜策行豈惟可
寢其反下而數萬生靈之命上而九重南巡之
禍皆可免也嗚呼此予於公之死所以嘆息痛恨而

流涕者也。初都諫張元傑曰：許汝登自江西寄予文，山詩一帙，外有題封而內無簡書，以漢卿觀之。寧邸其殆為變乎？汝登其殆為文山乎？未幾果然。然則公之志蓋已豫具乎？公年二十六與予同舉戊辰進士。明年授山東樂陵縣令，即能令行境內。辛未春劇賊劉七、齊彥名颺起畿甸，焚屠城邑，殺戮長吏。公先築濬城隍，貧富差工，越月而成。又使民各起牆屋，外高過其簷，仍開牆竇如圭，才可容人。家令一壯者執刃伺於竇內，其餘人皆入隊伍。令之曰：守吾令，視吾旗。

鼓違者有軍法。首功者上賞。又設伏巷中。洞開城門。未幾賊果至。旗舉伏發。賊火無所施。兵無所加。遂擒斬之。自是賊不敢近樂陵城。撫按交薦其才。

武宗超陞山東按察僉事。兵備於武定州。是時劉齊二寇猖獗。自陝以東橫行。而武定城圯溝夷。不格牛馬民欲崩去。公力定之。先事築鑿。設城樓。置巡卒。樹岸柳。壬申五月。劉七楊寡婦以千騎犯利津。公追至高苑縣。斬首四十有八。獲馬騾二百四十四。未幾賊錢鸞以百騎劫德平。公追戰於楊二庄。一鼓坐勦平。

之自是賊南奔狼山颶風敗舟乃滅郡人立破寇安
民碑以頌其功嗚乎劉齊之寇其勢已大非宸濠之
初起可比而樂陵知縣武定僉事其官又小於江西
副使者也乃公能成功於前而不能保身於後者何
哉職有專不專人心有同不同也嗚呼若使公官在
內廷而有專職將天下可無事矣乃獨使公殺其
身以成仁傷哉公諱達字汝登汝寧固始人高祖曰
某曾祖曰子誼祖曰昂凡三世皆以務本敦行為事
父諱寧克嗣厥休配邑大姓王氏乃實生公風骨秀

異不妄啼哭及八歲就外傳即能誦詩習禮如老成人然則忠節之事蓋以其性之所受學之所得乎司業郭价夫曰公之死忠乃其素定非臨難倉卒而委之無可柰何者果哉又曰國無忠義曰亂臣無忠義曰賊公之死可謂國之光而臣之防矣果哉公死難時年纔三十六夫人楊氏生丈夫子三人長即瑒次統縱皆學生女二人長嫁徐舉人之子某次嫁沙監生之子某瑒將學而有器識既葬公號泣六年而後就蔭及授錦衣謁予曰吾父如此死而瑒今乃冠

帶哭不能仰視。予亦爲之墮淚曰：公其有後哉！乃然後知天於有道者固不靳也。葬在某年月日在邑某偏某原。銘曰：星斗有政，天夜亦明。川流山峙，地道斯章。國無忠義，亂此綱常。禽獸食人，於何不喪。雷被奔漢，貫高無王。烈烈汝登，生獨異常。群雛孤鳳，碧梧相鳴。若干頃波，如百煉剛。知樂陵義，討劉齊亡。文武不是，胡爾咸成。如火之熱，如水之涼。勉者有悔，朽者務名。結纓仲跡，罵賊真卿。斯風久淪，爾於宸濠揚惟天有神。惟地有靈，爾後必熾。我銘斯皇。

文法斷而不斷
續而不續
續讀司馬氏甚
熟方有此等文
概以故
纒纒數
千言而

福建按察司副使封中憲大夫蓮峯先生韓公墓誌銘

公姓韓氏諱紹宗字裕後號蓮峯同州朝邑之南陽
洪人也初弘治辛酉柙與公之三子同試長安邸一
寺朝夕遊三子者今儀封知縣邦彥浙江僉事邦奇
工部員外邦靖也時三子已靈俊度人而工部年姑
十四即同柙舉矣比正德戊辰同三子試禮部而僉
事工部皆又同柙舉進士仕京師乃茲習公而未拜
也壬申歲病起赴京始由華陰謁公於潞南然嚴範

不厭其煩

韓公才

識氣節

一一從

中流砥

柱自剋

正時便

可概擊

龐大器

余古韓

氏有鴻

捋時翻

翻欲舉

酷類此

公之為

鴻度未見漢汲孺劉向也當亦不過是再病以來
方議執杖履屬者儀封遣從弟奉都御史華陰屈公
直狀為公索墓銘矣且曰公治命也嗚呼痛哉初公
遠祖多髭髯生宋季譜失其名世稱髭翁髭翁生三
子遭金元亂乃使仲子避居慶陽安化之白合季子
避居洛南之橫山曰幸有來日無忌朝邑也朝邑則
先人域在焉又當潼蒲二關之衝士馬所必爭故命
伯子不避去厥後仲季之嗣皆繁碩而伯子幾世孫
仕元為萬戶矣然亦失其名獨其塚在南陽洪之馬

枋頭里人猶呼為金牌韓萬戶塚云萬戶幾世孫名
平輔生得春得春配孟氏生恭配不詳生整整字子
肅以字行配白氏生五子其第二子曰顯贈奉政大
夫刑部郎中配張氏封太宜人 是生公而以獲貴者
也韓氏自平輔來皆豪于財而贈君少輒奉義克斷
有兄弟析者不能決一丘贈君時纔八齡即笑而尅
之各付之半父老大驚其非常衙前張豁齒好折辱
人橫行邑里莫敢嬰贈君往罵其門無怨言但曰是
八歲尅金者也父滯不嗜同州水贈君置車一乘日

三十里往汲之家有甌金白夫人常取之以與諸女
贈君瞰其將罄也又益之正統間嘗輸粟五百以賑
饑例當表宅里縣官以他怨不表而贈君亦不請然
年僅二十九歲歿時張太宜人生珏方八歲而公且
未晬撫以自立乃更獲表其宅里曰貞節云公稍長
受蔡沉尚書於叔父武清知縣倫武清君剛毅能沮
權勢而又疏通致遠也故公盡得其傳起家成化戊
辰進士授刑部主事陞員外郎即中至福建按察副
使云當在部時雲南廣東二司號繁劇公雖山東司

佩二司綬乃又或佩三綬至十三司者有大綬也。尚書亦付之處。張文安伯者勲戚也。族人奏其不法。公當訊而張以近倖來。然輒置之律。柯御史忠巡按直隸。劾都指揮王章。章故橫且多內援。亦奏柯詔公往勘。而章猶以守備體謁道中。公曰。章犯人何得先謁。勘官杖之。途三十比勘之果。如柯劾。章免官。時真定知府來謁。迂甚驕。踞然以其連姻近侍也。且太言曰。朝廷曾念及知府乎。公笑而不應。明日取府券盡得其私。奏抵於法。大同鎮守石太監岩巡撫

都御史靈寶許公進各奏劾。詔差公正官勘而公
偕袁給事中達周御史某往乃獲石十大罪而許公
無瑕袁欲輕罪許以稱石公曰逆理與法死不為也
一日許公以文移使知府來白已事而公適他出袁
周受其移公還謂曰如鎮守亦欲移二君何以分耶
乃召知府來曰都御史雖尊官今犯人爾可以文移
朝廷勘官乎知府抱移出門鎮守移果至門亦自返
比獄成石獨奏公黨文職朝廷震怒以為欺罔下
都察院獄差司禮錦衣大理官改勘於是許公卒以

不避嫌疑左遷而公卒非黨濟寧之魯橋王婦人者挾妖以說人禍福多中也雖大夫士過者亦徃占之於是流入京師通近倖既敗下公訊公謂妖婦曰若所事果神使為若祈於我即前貨若對曰妾神謂公正人不敢即耳遂論死詔憐其愚杖一百安遠侯某與都御史某惡奏下刑部有旨勿罪侯公屢奏侯賊十萬殺數十人乞繫獄勿宥不獲於是部尚書彭公曰郎中力窮矣乃奏曰唐文宗時有宗人逋官租者詔赦之京兆尹持不赦夫郎中法官非京兆比

侯所犯非逋租比

陛下遠宗堯舜此舉若文宗何然侯密於近侍故卒
無法焉有某伯者出街一僧衝其引路引路撻僧奏
伯下於獄有司追僧僧匿大監梁昉門僧也部尚書
付公訊公曰以一僧縲大臣又弗出綱紀解矣卒奏
出僧而罰之壽寧侯有門官樊舉人某也樊因數代
諸勲戚為奏狀常不實既公攝樊樊匿侯所諸貴皆
與授公卒致之獄一日公出門獲孔子具悉樊惡且
云必殺樊庶無後虞公即呼樊來曰而何自殺其罪

此之為
左術何
減昔刑
吏之欺
包孝肅
也佐諸
賊杜法
有以哉
夫人而
比跡包
孝肅也
人之品
亦高矣

乎樊色動然不首公曰第實首貫而死樊曰公神明也誦其扎甚習蓋樊以公不可囑故左其術以丐生耳樊於是得編戍於遼東有報義男婦者當司論死比朝審太宰三原王公疑過重當司不能對公前曰義男毆父則坐子毆父律何耶王公曰義男毆父為下犯上報義男婦上犯下也公曰均之為亂倫耳王公曰即中言是乃卒論死太原尹知府珎以怨誣奏山西按察使咸寧雍公恭下刑部部尚書且讞泰酷刑當罷官公棘見太宰王公曰雍恭朝之直臣太

宰有進退人材之責。可避鄉曲之嫌而坐視耶。王公
遂奏泰所坐非例。得左遷叅政。弘治戊申。京師大水。
米價騰翔。公奏乞應糧俸者預支三月。價可平。詔戶
部從之。有囚縊死於獄。巡風及提牢官故皆有罪。公
曰。巡風者馬能及此乎。乃言之部尚書。止叅提牢。遂
為例。東廠錦衣之獄。皆附刑部有所枉。不敢辯。公送
獄堂審。部尚書曰。此獄自廠衛來耶。公進曰。大人第
當視情法如何。勿問所從來。聽者聳然。公在部九年。
諸所剴裁。平反多類。是歲。稱綽然。會大理寺丞缺。吏

部將擬陞公王員外嘉慶者故誣奏公他事下都察院獄曰吾固知韓無罪然吾令其不得陞寺丞耳有滕御史佑者唆當問御史故稽其事及寺丞缺補吳王始自伏其誣御史滕曰韓雖無罪然同僚不和當外調都御史疑之移文刑部尚書不欲決而諸郎中公梁輩皆奮然曰王奏韓皆公錯焉得言不和部尚書乃又移文吏部太宰王公曰同僚不和為同署文案耳郎中山東司員外郎雲南非同僚也事始解蓋王隸常盜人馬床而公笞之滕謀陞寺丞忌公軋已

部尚書之妻父有犯囑公而公未之貸也。然未久竟
陞公福建按察司副使。為弘治壬子也。比至司，公曰：
按察職在糾察諸司有犯，咸得理焉。先是三司內眷
皆燕會，公禁之。他日都司夫人來飲，司中公下獄，將
奏。都司免冠求貸，始已。內譙自是革。都御史魏公瀚
左遷福建左布政使，其子撻人於市，君過見之，即移
文取其子問狀。魏夜逸之以歸，有屠牽執強市肉者，
以告。蓋鎮寧陳太監舍人也。公下之獄，而捕其黨陳
曰若等，不知新韓副使乎？皆械送之。公而抵罪，常受

御史委同右布政分濬雙門河、公以灰識竿數百遍、
插河中、引潮水以浸識竿、水退而河之淺深遠近具
得之、濬未兩月而所治雙門西河三十里皆考績、東
治者尚騷然、乃發憤以病去、司無吏解而右有奶娘、
廟官屢欲毀之而惑於閩俗、公遂改為吏解、無一人
譁、有訟其兄奪田者、歷諸司而詞證契冊皆無據、公
亦卒笞其弟、弟出門嘆曰、人言神韓亦與他官等耳、
既而公假以清軍事、吊其里之故冊而得其實也、於
是鬻契偽證皆得罪、而其弟有原業、掌監議貢院有

仁智者
之言

書卷以嫌字不謄者八十人。公曰：「焉有一書經即八十人買中者乎？」閱其卷得中式者四人。有減場一人。文優而卷縫之印缺。公曰：「此必謄錄者割之也。」乃告諸監臨，折其封稿，果不減其人。為吳琬，遂訊謄錄生。生泣曰：「吾師也。」寧忍操戈哉？公曰：「有由矣。」滋訊之得其情。蓋生之亞為吳珮，亦應試而生。乃謄錄，故生見誚於妻。生恐珮更中式，滋為妻誚也。乃謀割珮卷。琬字皆從玉，在彌封中相似也。而又姓同，故誤割耳。於是抵生罪。謄珮琬卷皆中式。監臨與他官看一卷欲

取之。公以其不稱也，爭之不能得。乃曰：「願開封觀其姓名。」副使不言矣。監臨默然始棄之。蓋公嘗聞近倖子弟關節來第也，當再科其人。又謀第忌公在，乃先計中監臨使公署司事。兼海道卒得中式去，鎮守鄧太監某杖殺一吏。御史按察使莫敢問，公受吏家詞，鄧以高燕款公而厚譽之。徐曰：「何以處吏獄耶？」公曰：「先捕行杖者得實，則奏聞耳。」鄧曰：「大人將至此，府捕人乎？」公笑而不答。既出，召福州三衛指揮曰：「府行杖者皆爾。」爾下軍餘月，日甫不至，無復見戌矣。比甫而鄧

用策士之言使行杖者訴之巡按胡御史某胡果批
訴於按察使鄧復以四百金買吏家口遂以吏病死
而成獄泉州府通判楊珮與知縣高廷誥遂奏及巡
按清軍諸御史布按二司官詔差給事中郎中勘
治之歷歲不結蓋楊故吏部也於是付公治公一訊
而定楊高皆免官福建額設海道副使一人奉
勅專理海道蓋海中山下有甘泉海寇率竊泉以起
禍故以福州三衛指揮更戍海中衛然戍者憚險莫
肯往而當道者又亦不問北公代理出令曰職當按

成不至者有常刑乃徐曰渡海下衛諸失成者皆抵罪然是時海寇王某已聚衆劫海上矣公乃集兵伏要害而選李指揮牛千戶捕之寇曰韓公不去海道我輩不生且鎮守嘗深感焉者也可因之以去於是
以千金賂鎮守而以書遺牛李曰韓公已受賄許我
矣可無急也乃又計使鎮守並得其書鎮守即奏公
受寇賄而公遂去海道奏下兵部都察院於是馬公
文昇戴公珮奏曰副使韓紹宗剛廉有為此係賊人
友間之言不信上曰是然未幾丁張宜人憂歸矣

朝覲之
例以懲
不職使
人重犯
法鷹鷂
之軍籍
此禁錮
才賢以
執法而
脩怨宜

明年朝覲有許給事某者復以鎮守奏事為言遂罷
公官蓋許先為舉人時嘗教書於公之同僚家頗緣
為姦利公遂出之而馬公是時已自兵部轉吏部親
知鎮守事者也然亦畏言官而從之矣國朝典章
惟朝覲罷去者不得伸理時亦有辯訴如朱公瓚者
皆獲直而公亦卒不辯也公天性剛明少輒異人既
讀書日記千言不怠嘗墜於洛水下見赤面長髯神
人携出水上蓋關將也今其家尚祀之公既諸子至
貴顯惡侈靡輕財利慎取予在福建巡歷所部數不

子孫
嗣也

御肉食所配閭氏封恭人矣未嘗置翟冠雀服而諸
子既舉皆不衣紬帛獨念宦遊不侍張太宜人每歲
時伏臘輒鳴咽泣下時遣人問起居致甘旨其所得
俸金盡以遺兄以奉太宜人雖在福建萬里之外猶
爾也太宜人晚年失明公輒夜夜拜北斗籲天後數
年有醫至家門自云能已目疾遂以醫太宜人一針
而愈公之兄方入取謝資而醫已去蓋異人也公雖
和易近人至居官守法毫髮不可回禍福不可動民
苟無罪雖鞭朴亦不妄施富室道畏繁劇公嘗引余

此必不
齊事父
傳事非
韓公不
能有非
涇野不
能狀其
足稱二
子

即沛然又嘗無他道每當易道而撫按諸司輒不肯
改後有王僉事寅者願署此道以盡力未數月王神
采瘁然而道政亦理王問下人曰外議我署道何如
韓公對曰使君不減韓使君但韓使君稍閑暇耳王
喜而投筆曰得如此足矣蓋公所至率綱紀其大者
其餘不勞而正故為人所難也公暇日又數召諸生
講授文義所甄拔士如李廷梧王仕昭輩數十人後
皆大顯於時公在福建七年為御史所薦者四既家
居猶為文選黃河清所薦者一而吏部亦數推河南

山西湖廣山東按察使然皆不獲行。蓋有尼之於密者也。然公怡然自得，讀書談道，暇日則從戚黨友朋之會，無累也。公自幼時即為提學江西伍公福所器重，呼為小友。既舉成化甲午鄉試，遂開講於華陰雲臺觀，弟子數十人。後皆大顯貴。都御史屈公直固其一也。後又入咸陽，歷岐鳳寶雞，觀於終南太白，所至皆有徒從之遊。至其教子，一以義方。公若在堂，諸子非呼召不敢過其前。僉事為文選時，嘗寄衣一襲，輒戒之曰：「但當盡心官事，勿念及此也。」疾且革，猶以忠

孝道德命諸子宜其所立偉然而四明楊公守陞以
為古人何加也。公生於景泰壬申閏九月十八日卒
於正德己卯四月二十日壽六十有八歲初授主事
再授郎中封後以僉事為文選時又受副使封所謂
中憲大夫也所配闕恭人者始封安人再封宜人其
恭人亦文選封也子四人儀封丁卯舉人娶劉訓導
女僉事初受考功主事改文選陞員外郎調平陽府
通判陞僉事以忤權宦去娶張教諭女封安人工部
初受虞衡司主事陞都水司員外郎以諫言去娶屈

氏即都御史公女也封安人其第四子曰邦翊國子
監生娶仇教諭女再娶史氏三女長蚤死次適國子
生李德元次適王銳孫男三仲議仲讓仲詳孫女三
公所著雜文百餘篇詩賦千餘首曰蓮峯集銘曰

維正德己卯秋七月吉日己酉有韓氏寔於南陽洪
之西原輦磬崎嶇康輿顛顛蓮峯先生永寢永晏漆
沮北漉黃河東篆太華南峙萬里關中是日也晉蒲
秦同君子員員殞淚執紼四田成蹊曰送先生明德
孔那七閩百越諒亦潛止昔先生得金矢於刑曹訖

太史筆
乃了了
數言約
而盡

威富於南海。名不滿實。道遠而位邇。志士至今傷之。
厥封維堂。鳥鵲如咽。夫儀封篤而廣。僉事信而法。工
部朴而茂。一代之良也。夫源不深流不長。尺蠖不屈
不伸。身與孫子。又何難焉。夫子康哉。

副憲賈會期墓誌銘

東鹿賈會期。與予同戊辰進士。予始未能知也。已守
慶陽矣。寧州呂道夫言。會期初聘於魏氏。魏未幾疾
雙瞽。父封君先生欲改聘他姓。會期執不肯。曰。命也。
於古不有。劉廷式執遂娶之。和諧如琴瑟。魏又數請。

置妾媵會期終不可所生三丈夫子皆才嘉靖元年
子病起入京會期已憲副陝西遇於保定敏而直儉
而度又不善斂旣入京其二子衢衝已考冠束鹿來
應順天舉謁予果有器識明年會期不偶於巡按劾
會期在慶鹽票事會直大覲遂罷會期予嘆曰世
豈有絕情酒色篤志古人行而又貪耶然會期自以
志不明抱鬱而殁在嘉靖三年正月三十日年纔五
十三疾且革語其子曰此心頗爲朝廷用盡乃被
誣至此遂爲詩曰英魂一點歸何處兩淚交流達

聖明嗚呼傷哉初會期童穉時即不與兒輩狎五歲
從師讀書退即捏土為字以肄日所誦業十二歲喪
母高孺人哀毀若成人及為邑弟子員輒有憂國志
會伯祖俊以太子少保工部尚書歸見會期目之曰
賈氏繼志者其吾子乎弘治甲子與兄道同膺順天
鄉舉後既舉進士正德四年授南京廣東道監察御
史時奸臣劉瑾方橫諸御史多欲外補會期相厚者
又勸宜損剛剡直會期曰欲外補如宗廟社稷何
若既為耳目司使朝廷無聞見可乎乃攬轡至南

臺期年瑾誅時道中多滯獄悉剖決如流有戶部戴
卽中者贓敗通理諸道不結乃下廣東道卒擬如律
自是臺憲稱明而應天郡縣軍民奏辭咸欲下廣東
矣六年巡城擊強弭盜南都肅然七年流賊猖獗抵
龍江內外守備出二指揮將五千人截殺敗績同官
請罪二指揮會期曰咎在守備獨具疏劾於是魏國
公徐輔太監黃偉皆畏憚之八年九江盜賊蜂起循
安慶而上徽寧路絕會期又被簡巡江即日至太平
期與賊敵一出遂捷九年 乾清宮災 詔求直言

乃以進君子退小人為疏群姦大怒賴重臣解故兩
課其績皆以持躬清白讞獄明決得上考云既而出
知慶陽蓋有尼之於隱者也在慶陽御史有卧治黃
堂之薦當是時武廟駕在榆林將幸西夏軍民多
竄匿令丞衝路者率解綬去會期曰主上至當奉
迎不宜逃竄乃招撫居民以俟駕至然不果幸有
中貴人假命欺辱官僚取財會期曰勿辱彼知府
願偕君往見上貴人笑沮解去今上入承大統
制令科道奏薦天下守令循良者而陝西御史以會

期舉然適考績至京大臣議選領邊務遂陞陝西按察副使奉勅兵備西寧諸鎮是時醜虜為患道踞艱阻人咸為之憂會期曰昔王尊遇九折阪叱吏前驅人以為忠劉琨坐嘯邊塞風清吾獨不能為尊琨耶既至布朝廷威德諸蕃感化暮年幾措烽火邊人遂有樂耕耘之謠先是甘肅武臣之變總兵官李隆已繫獄朝廷下巡撫都御史陳公九疇鞠其黨楊淮以下七十餘人陳檄會期往視會期乃先陰得其詳翼日引訊廳事衆奸皆驚畏無異辭陳稱曰真

老法司也會期聿曰使運處西寧數年當使朝廷
無西顧之憂然未幾以忤當道坐免諸將領送至古
鄯驛哭還然則會期之行與政詎不可信耶嗚呼傷
哉會期諱運號靜齋其先洛人更始時徙汾州或曰
長沙太傅之後洪武初六世祖戴奔東鹿西三十里
居柳樹中今遂名柳樹村賈氏云高祖元智贈太子
少師工部尚書曾祖寬祖忠不仕父瓚以會期封監
察御史母高氏繼母范氏皆封孺人兄道進士戶部
主事子三人季者名衛女三人孫男三筮是年三月

二日葬祖塋右銘曰一真可占百城一瑕可覘千砥
靜齋不貪信於娶瞽不然解綬而歸草屋如故死且
屬予銘諒予知其苦於戲康哉

涇野先生文集卷之三十二